

Autor Quito Nicolaas a presenta 'Gerede Twijfels' na Cas di Aruba

DEN HAAG - Na Cas di Aruba a tuma lugar diabierna siman pasa presentacion di e tomo 'Gerede Twijfels' di e autor Arubano Quito Nicolaas. Un cantidad grandi di persona for di comunidad Arubano y Antiyano a duna acto di presencia. Tambe tabata varios representantenan di prensa cu a haci filmacion y grabacion pa programa di radio.

Ministro Plenipotenciario Ella Tromp-Yarzagaray a hiba palabra y a cuminsa na bisa cu na momento cu e peticion pa e presentacion di e tomo di Quito Nicolaas a drenta na Cas di Aruba el a apoya e iniciativa aki pasobra mester sostene, motiva y stimula nos hendenan. Ministro Tromp-Yarzagaray a bisa di ta sigur cu Quito Nicolaas den e comunidad literario Arubano y Antiyano no ta un persona desconoci, pero pafor di e grupo aki menos persona conoce. Ta pesey e ministro a repasa den su discurso e carera literario di Quito Nicolaas cual a cuminsa na 1990 cu e publicacion dor di cas editorial Charuba di su

prome tomo titula 'Eclips Politico' y cinco aña despues a sigui e tomo 'Illucion Optico'. Na aña 2000 e cas editorial Excalibur a publica 'Destino'. Aparte di esaki Quito Nicolaas a publica den diferente corantnan Arubano y Hulandes y a tene diferente presentacionnan rond di Hulanda. E temanan den poesia di Quito Nicolaas semper a trata e individuo, naturalesa y politico. Den su buki 'Gerede Twijfels' a autor ta trata bida den dos cultura, e ambiente, dilemma y experiencia di e migrante.

Ministro Plenipotenciario a bisa di ora a lesa e buki, tabata tin dos poesia cu a capta su atencion cu ta 'Een verloren zoon' cu ta bai tocante di Boy Ecury, un di e hereonan Arubano di Segundo Guerra Mundial y e poesia 'Steen' cu ta trata e relacion entre e paisnan den Reino Hulandes. E mandatario a finalisa yamando danki na esnan presente y desea Quito Nicolaas hopi forza y salud pa e keda haya e inspiracion pa



BON DIA ARUBA. - (5 JUNI 2002), P. 13

di Gobierno di Aruba y e pueblo di Aruba ricibi e tomo di un autor Arubano. Tambe a haci entrega di un ehemplar di e tomo na sra. Yvonne Martina como representante di Cas di Antia. Despues di e presentacion tur presente tabata tin oportunidad pa cumpra un ehemplar di e tomo firma pa e autor saboreando un pastechi Arubano.